



ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1

№07/26327-23

«16» փետրվարի 2023թ.

ԿԱՐԵՆ ԱՇՈՏԻ ԱՎԵՏԻՍՅԱՆԻՆ
(ք. Երևան, Հաղթանակ 14 փ., 47)

Հարգելի՛ պարոն Ավետիսյան,

Ի պատասխան Ձեր 14.02.2023 թվականի հ. Դ-18675-23 դիմումի՝ հայտնում եմ, որ «Առևտրի և ծառայությունների մասին» օրենքի 2-րդ հոդվածի համաձայն՝ առևտրի իրականացման վայրը՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք է, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Նույն օրենքի 3-րդ հոդվածի համաձայն՝ առևտրի օբյեկտների տեսակներն են՝ խանութները, կրպակները, հեղուկ վառելիքի, սեղմված բնական կամ հեղուկացված նավթային կամ անփաջրածնային գազերի մանրածախ առևտրի կետերը:

Առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Վարչական իրավախախտումների վերաբերյալ օրենսգրքի 162-րդ հոդվածի 1-ին մասին համաձայն՝ ոչ սահմանված տեղերում առևտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Սույն հոդվածով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Վերոգրյալ իրավանորմերի համակարգային վերլուծությունից բխում է, որ համապատասխան առևտրային գործունեությունը պետք է կազմակերպվի առևտրի օբյեկտի տարածքում, իսկ այն դեպքում, երբ համապատասխան առևտրային գործունեությունը (ներառյալ հրապարակային օֆերտան) դրսևորվում է սահմանված տարածքից դուրս, ապա նման առևտրային գործունեություն իրականացնող անձի նկատմամբ կիրառվում է վարչական իրավախախտումների վերաբերյալ օրենսգրքի 162-րդ հոդվածի 1-ին մասով նախատեսված պատասխանատվության միջոցը, իսկ այն դեպքում երբ վարչական տույժի նշանակման օրվանից հետո՝ մեկ տարվա ընթացքում նույն արարքը կրկին կատարվում է, ապա նման առևտրային գործունեություն իրականացնող անձի նկատմամբ կիրառվում է վարչական իրավախախտումների վերաբերյալ օրենսգրքի 162-րդ հոդվածի 1-ին մասի 2-րդ կետով նախատեսված պատասխանատվության միջոցը:

Վերոգրյալով պայմանավորված հարկ է արձանագրել, որ առկա չէ իրավական հիմք Ձեր նկատմամբ 29.11.2022 թվականին կայացված թիվ Վ-48/90 վարչական ակտը բեկանելու համար:

2/16/2023

X

ԱՐԱՄ ՄԱՐՏԻՐՈՍՅԱՆ

Signed by: MARTIROSYAN ARAM 1310890994

ՀԱՐԳԱՆՔՈՎ՝

ԻՐԱՎԱԲԱՆԱԿԱՆ ՎԱՐՉՈՒԹՅԱՆ

ՊԵՏԻ ՏԵՂԱԿԱԼ

ԱՐԱՄ ՄԱՐՏԻՐՈՍՅԱՆ

Կատարող՝ Ա. Գաբրիելյան
Աշխատակազմի իրավաբանական վարչություն
Հեռ.011 514-005 (684)